



Divendres,  
13 de març de 2020

Aué, .....



## MANIFESTACIONS DETH 8M



En quauques situacions, es hemnes encara patissen discriminacion peth hèt d'èste'n. Per exemple, acostumen a receber jornaus mès baishi e son mens escuelhudes entà trabalhs importants, encara qu'agen es madeishi estudis e experiéncia qu'és òmes candidats.



▲ Manifestacion deth 8M en centre de Barcelona

Ath delà, son lèu tostemp es hemnes es que hèn es trabalhs de casa e suenhen as hilhs o as pairs-sénhers. Lèu totes an viscut situacions desagradables damb òmes que les an dit causes peth carrèr o que les an menaçades, insultat o arribat a agredir.

Per tot açò, en Dia dera Hemna, que se celèbre eth 8 de març, s'an hèt manifestacions en pòbles e ciutats entà demanar era igualtat entre hemnes e òmes. Es manifestants an exigit cambis enes leis e ena manèra de pensar tà qu'és hemnes agen es madeishes oportunitats e libertats qu'és òmes.

**discriminacion:** hèt de considerar e tractar a quauquarrés com se siguesse pitjor.

**jornau:** sòs que recepr un trabalhador a cambi d'un trabalh.

**candidat:** persona que pòt èster escuelhuda entà ua causa.

**agredir:** hèr mau.



En quines situacions es hemnes non son tractades dera madeisha manèra qu'és òmes? | Qué an demanat es manifestants deth Dia dera Hemna? Com aurien d'actuar es òmes entà arténher era igualtat entre òmes e hemnes?



## CONFLICTE ENA FRONTÈRA GRECOTURCA

Era crisi des migrants continue sense solucions



Hè ans qu'era guèrra e era praubesa pòrten a fòrça personas de diuèrsi païsi a huger-ne entà sajar d'aue un futur milhor. Per açò, milèrs de personas vòlen entrar en païsi europèus. Mès ne Euròpa a previst plans d'acuelhuda sufisenta, ne tanpòc s'a actuat guaire entà melhorar era vida d'aguesta gent enes païsi d'origina.

Era frontèra entre Turquia e Grècia ei un des lòcs de pas principaus. Hè un temps, era Union Europèa decidic pagar en Turquia tà que contenguesse as refugiats que volien arribar en Euròpa. Mès es desacòrds entre Turquia e era Union Europèa an portat ath president turc a non hèc mès e a perméter qu'es refugiats entren en Grècia des de Turquia.

Per ua auta part, maugrat que Grècia ac nègue, es periodistes an estat testimònis de fòrça accions grèus. S'an lançat gasi lacrimogèns contra migrants que volien sautar era barrera dera frontèra e s'an atacat barques tà que non arribèssen enes còstes grègues. Tanben s'an vist enfrontaments entre era policia turca e era grèga.

**grecoturc:** de Grècia e Turquia.

**migrant:** persona que va d'un territòri a un aute tà viuer-i.

**contier:** impedir que quauquarrés o quauquarren trauèsse un limit.

**lacrimogèn:** qu'irrite es uelhs e les hè a plorar.



Perqué i a tantes personas que pròven d'entrar ena Union Europèa? Quin conflicte i a ena frontèra entre Grècia e Turquia? | Qué penses que les cau hèr as periodistes quan i a un conflicte grèu?



## VOCABULARI



## MÈS MESURES TÀ FRENAR ETH CORONAVIRUS

**En generau, se redusissen es aglomeracions**

**aglomeracion:** conjunt de moltes persones amassa.

**confinament:** hèt de barrar la-guens d'un espaci, d'isolar, a quau-quarrés o quau-quarren.

**centre educatiu:** lòc a on se hèn classes, coma ua escòla, un institut o ua universitat.

**responsable:** que hè es causes pensant en ben de toti.

**popularitat:** hèt d'èster coneishut, apreciat e estimat per fòrça gent.

**abdicar:** decidir deishar d'èster rei.

**gésse ara lum:** descorbir-se un secret que non se sabie.

**comission:** sòs que se paguen a quauquarrés per auer ajudat a barrar un negòci.



▲ Joan Carles I e Corinna Larsen

**CNI:** Centre Nacionau d'Intelligéncia, servici espanhòu d'intelligéncia dedicat a recuélher informacion entà protegir eth país.

Degut ara rapida difusion deth coronavirus, fòrça païsi an agut d'enfortir es mesures entà contier-lo. Itàlia, un des païsi damb mès afectadi, a proïbit viatges, a barrat escòles e universitats, e a demanat ara gent que se pòse en casa enquia qu'era situacion milhore.

En Espanha tanben s'an enfortit es mesures de prevencion. Ath delà deth confinament des malauts e es possibles contagiats, es zònes damb mès nombre d'afectats, coma Vitòria e Madrid, an barrat es centres educatius. Bères escòles e instituts de Catalonha tanben s'an barrat quan s'a detectat qu'ua persona que i trabalhau o estudiava s'a contagiàt.

En generau, se vòlen redusir es situacions que s'amasse a fòrça gent entà frenar es contagis. Per exemple, s'an suspèut hèstes coma es Falles en Valéncia, e tanben concèrts, hèires e competicions esportives. Bères empreses facilitaràn qu'era gent trabalhe des de casa. Es mètgés an demanat que sigam responsables damb totes es recomanacions que donguen.



*Quin tipe d'actes s'an suspèut e perquè? | Qué poderàn hèr bèri treballadors? | Penses qu'aguestes mesures arribaràn a arturar eth virus? As bèra auta idea?*



▲ Cau lauar-se es mans damb aigua o alcoòl soent entà evitar eth contagi



## ACUSACIONS CONTRA JOAN CARLES I

**Ua empresària alemana lo vò denonciar per menaces**



Joan Carles I ei er anterior rei d'Espanha. Maugrat que pendent fòrça ans siguec respectat e estimat per bona part des espanhòus, es darrèri ans coma rei perdec fòrça popularitat. Un viatge sòn tà Botswana er an 2012 entà caçar elefants recebec dures critiques: ère car, Espanha viuie ua crisi e fòrça gent considèrè incorrècte aucir bèsties sauvatges. Eth rei abdicàc en 2014.

Tanben se sabec qu'en aquest viatge l'acompanhaue ua empresària alemanda, Corinna Larsen. Ath delà, començèren a gésse ara lum investigacions qu'assegurauen qu'eth rei auie artènhut sòs illegauments per comissions de negòcis e qu'era i auie collaborat.

Ara, en Londres, Corinna Larsen a explicat que denonciarà a Joan Carles I per menaces. Assegure qu'eth e eth CNI la menacèren perque auien pòur que revelès secrets. Ath madeish temps, en Soïssa s'investigue

era origina de milions d'euros que supausadaments arribèren a Corinna Larsen procedenti deth rei Joan Carles I e que passèren per un banc soís. Joan Carles I encara non s'i a prononciat.



*Perqué a molti espanhòus non les semblèc ben eth viatge deth rei tà Botswana? | Quines acusacions a rebut eth rei Joan Carles I? | Qué penses que hè qu'ua persona sigue populara?*





## UN MUSÈU DE GORMANDERIES

En centre comercial Les Arenes (Barcelona), i dauriràn un musèu temporau<sup>1</sup> plen de gormanderies e docí. Se ditz The Sweet Art Museum, en anglés, que vò dèder Eth Musèu d'Art Doç. Serà en Barcelona entre eth 26 de març e eth 3 de mai, e ven de d'auetes ciutats a on a ja trionfat<sup>2</sup>, coma Lisbona, Portugal, e dues ciutats de Brasil, Sao Paulo e Rio de Janeiro.



I aurà 12 sales, a on eth visitant<sup>3</sup> poderà jogar damb banhèras plees de balons de colors, lunettes de realitat virtual<sup>4</sup>, machines de coton de sucre, sales damb ossardets de goma gigants e escultures en forma de donuts, entre d'auetes. Tanben se poderà saltar en ua piscina gigante pleia de bromes, pujar en ua carròça de chuquetes e entrar en ua sala a on eth gelat sembla viu.

Era creadora deth musèu, Carla Santos, vò qu'er espectador gaudisque d'ua estona magica en un mon a on tot ei divertit e doç, e qu'es grani poguen tornar a senter-se com se siguessen mainatges.



Qué i a en aquest musèu? | Qué vò arténher Carla Santos damb aquest musèu? | Cres qu'ei ua bona idea? Rasoa'c.?



### VOCABULARI

**temporau:** que sonque dure un temps.

**trionfar:** auer succès.

**visitant:** persona que visite un espectacle o lòc.

**realitat virtual:** conjunt d'imatges, sons e moviments que semblen reaus e qu'ei creat per ordenador.



## ETH BARÇA DE HANDBÒL E DE FOTBÒL SALA, CAMPIONS

An tornat a guanyar era Copa deth Rei e era d'Espanha, respectivament<sup>1</sup>.

En ua madeisha tarde, eth Barça a estat campion en dues categories: era de handbòl, que guanhèc era Copa deth Rei, e era de fotbòl sala, qu'artenhec<sup>2</sup> era Copa d'Espanha. Ath delà, eth Barça rebrembèc qu'eth madeish dia era equipa de basquetbòl tanben guanhèc eth sòn partit e qu'eth de fotbòl va prumèr dera liga.

En cò que hè ath handbòl, ei era setau copa consecutiva<sup>3</sup> que s'empòrte, d'un totau de 24 copes guanhades. Guanhèren era finau contra Benidorm per 40 a 25. Ath delà, resulte que serà era darrèra sason tant deth capitan Víctor Tomàs com de Raul Entrerriós.

En cò que tanh ath fotbòl sala, eth Barça joguèc contra eth Viña Albali Valdepeñas. Quedèren 3 a 4, damb ua victòria vibranta<sup>4</sup> que li a supausat eth cincau títol en aquesta competicion e eth dusau dera sason, dempús de guanyar era Supercopa. Eth capitan, Sergio Lozano, auec un gran gèst damb es companhs lesionadi, Esquerdinha e Ferrao, a qui convidèc a recuélher era copa damb eth.



Qui a guanhat era setau Copa deth Rei consecutiu? | Qué hec eth capitan deth Barça de fotbòl sala en recuélher era copa? | Qué mès pòt hèr ua equipa qu'ac guanche lèu tot? Perqué?



▲ Celebracion des champions dera Copa deth Rei de handbòl

**respectivament:** de forma que cada causa d'ua sèria correspon a ua causa de ua auta sèria.

**arténher:** guanyar, arribar a auer.

**consecutiu:** seguit.

**vibrant:** emocionant.



## JUGUEM!

### Completa les paraules



Col·loca les lletres adequades per completar vuit paraules relacionades amb l'aigua. Busca a la fila i a la columna indicades a cada cas.

D2	D5	E5	B4	D2	E1

C1	B3	E1	D2	A4	B5

A2	D2	E4	A3	C2	D1

A2	D2	E3	B2	C2	D2

A1	A3	A2	A2	C1	A4	E1	D5	D2

D2	D5	E5	B4	D2	E3	A3	C2	C2

	1	2	3	4	5
A	C	R	O	N	V
B	Q	B	S	U	Y
C	E	L	P	W	D
D	Í	A	X	F	I
E	T	Ó	M	J	G

### Sudoku



5		2		3	6
		6	5	4	2
2		3			1
4			2	6	3
	5	1			4

### Lògica matemàtica

Quina xifra hi falta seguint una seqüència lògica?

99	111	4
3	?	30
36	93	11

### Observa el dibuix i copia'l



### Un sol traç

Traça 4 línies rectes que passin per les nou monedes sense alçar el llapis del paper, és a dir, d'un sol traç.



# el tricicle

Aprenentatge significatiu i vivencial

## el tricicle

Una publicació de:

Tracte Comunicació Global  
Passeig Bertrand, 25, 2a  
08980 Sant Feliu de Llobregat (BCN)  
Tel. 619 787 788 - 93 782 45 13  
eltricicle.cat  
eltricicle@eltricicle.cat



Setmanari per a nens i nenes

### Una publicació de:

Tracte Comunicació Global  
Passeig Bertrand, 25, 2a  
08980 Sant Feliu de Llobregat (BCN)  
Tel. 619 787 788 - 93 782 45 13  
eltricycle.cat  
eltricycle@eltricycle.cat



## SOLUCIONS N. 160

### Completa les paraules



Col·loca les lletres adequades per completar vuit paraules relacionades amb l'aigua. Busca a la fila i a la columna indicades a cada cas.

D2	D5	E5	B4	D2	E1

C1	B3	E1	D2	A4	B5

A2	D2	E4	A3	C2	D1

A2	D2	E3	B2	C2	D2

A1	A3	A2	A2	C1	A4	E1	D5	D2

D2	D5	E5	B4	D2	E3	A3	C2	C2

	1	2	3	4	5
A	C	R	O	N	V
B	Q	B	S	U	Y
C	E	L	P	W	D
D	Í	A	X	F	I
E	T	Ó	M	J	G

A2	D5	C1	A2	D2	

B2	D2	B3	B3	D2	

### Sudoku



5	4	2	1	3	6
1	3	6	5	4	2
2	6	3	4	5	1
4	1	5	2	6	3
3	2	4	6	1	5
6	5	1	3	2	4

### Lògica matemàtica

Quina xifra hi falta seguint una seqüència lògica?  
9

99	111	4
3	?	30
36	93	11

### Observa el dibuix i copia'l



### Un sol traç

Traça 4 línies rectes que passin per les nou monedes sense alçar el llapis del paper, és a dir, d'un sol traç.

